

ընտրուողում են մեր այս վէպի հիմնական գաղափարը: Ապա այս վէպի մէջ երևում է հայ ժողովրդի դիւցազնների և իւր բարոյական և կրօնական սկզբունքները, հաւատալիքները, կենցաղը, յարաբերութիւնը, սովորոյթները, զգեստները. մի խօսքով ինչ որ կարող է մի նահապետական ժողովրդի կեանք ունենալ. ընտանեկան կեանքը և մանաւանդ կնոջ դերը, որ համարեա բացակայում է մեր պատմութեան մէջ, այստեղ ճշտօրէն արտայայտուած է ևս ևս: Մի այսպիսի ազգային ժողովրդական վէպի փոփոխակները, հիթէ կարող են նորութիւն տալ, մի նոր դիժ աւելացնել, պէտք է դրի առնել և չթողնել, որ նշանախեցն անգամ կորչի:

Ապա Արարատի ընթերցողներին մեր 1906 թուականից իվեր այնտեղ հրատարակուած ուսումնասիրութիւնից, մանաւանդ այդ աշխատութեան վերջի մասը կազմող «Ջոջանց տան կամ Սասմայ ծոեր Դաւիթ և Մհեր ազգային ժողովրդական վէպի պատմականը» երկից յայտնի է արդէն, թէ այդ վէպի զանազան փոփոխակներում գործող դիւցազնների մեծ մասը հայ և օտար թագակիրներ, յատկապէս է—ԺԳ դար ապրող իշխաններ, գլխաւորաւորապէս Մամիկոնեաններ, Արծրունիներ, այլ և Բագրատունիներ են. որտեղ մնացել են հնագոյն դիւցարանական (Պատիկ Մհեր, Պարոն Աստղիկ) և առասպելական պատմական զրոյցների (Հայկի և Արայի) հետքեր և այլն: Ուստի և կարևոր են այն տեսակ փոփոխակներ, որտեղ երևան են գալիս նորանոր աշխարհագրական և անձնանուններ, որ լրացնելով հին փոփոխակները, բաց կանեն մեզ նոր հորիզոններ: Մի քանի տարի զբաղուելով թէ Ջոջանց տուն—Մամիկոնեանց և թէ Քաջանց տուն—Արշակունեաց վէպով, այլև Քէօռ-Օղլիով և կարգալով մեր ցարդ տպագրուած և անտիպ հէքաթներն ու նաղլերը—զրոյցները, եկել ենք այն համոզման, որ շատերը պատմական աստառ ունին և այսպիսիները համարեա այն արժէքն ունին, ինչ որ Մ. Սորենացու Ա. գիրքը և առհասարակ նորա աւանդած առասպելներն ու զրոյցները, կամ Փ. Բուզանդացու մանաւանդ թէ Յովհան Մանդակունու վիպական պատմագրութիւնները:

Մեր վերոյիշեալ աշխատութեանց հետ համարեա միաժամանակ հետզհետէ լոյս տեսաւ Մ. Արեղեանի «Հայ ժողովրդական վէպը»¹, Սասմայ ծոերի մի ընդարձակ և բազմակողմանի ուսումնասիրութիւն, որ յիշատակելով վերոյիշեալ 13 փոփոխակները «նոր պատմութեան անհրաժեշտութիւն» վերնագրի տակ ի միջի այլոց ասում է. «Նիւթի այս սակաւութեան պատճառով վէպի

1. Ազգաբարկան Հանդէս XIII. էջ 5—56. XIV էջ 58—68. XV էջ 5—52 XVII էջ 5—56. XVIII էջ 5—24: Թիֆլիս 1906—1908: